

Польшд энерг гаргългън икдлгън

Польшин зургъан джилä планна эргид үүдäгдси энергетическ промышленность джил ирвäs улм-улмар шин девснъ-гүр бргдждäд йовна. Онъгрсн джилин эргид орн-нутгт кесг шин ик-ик электростанцс тосхгдв, хуучн электростанцс ясгдв. Одахн Жешуевск воеводствд „Сталевая воля труда“ гидг электростанц тосхлгънд гурвдгч турбогенератор эдлгънд орулгдв. Бас түүнлärн хамдан хойрдгч турбогенераторинь зүүлгънä кöдлмш кегд-дждäнä. „Сталевая воля труда“

гидг электростанц июнь сард предприятист промышленн ток öгхмн. Конинд бäргддждäх электростанц бас энджл эклдж промышленн ток öгхмн. Польшд äмтин ик болгч электростанц Скавинд тосхгдджана, эн электростанцин хойр турбоагрегат эклдж кöдлцхäхмн.

Эн джил ик күчтä турбоагрегатс олзллгънд орулгдхмн, энүнä ашд энергетическ промышленность 21,5 миллиард киловатт-час электроэнерг гаргъхмн.